

PALAPES UMS turun padang bantu mangsa banjir Pusat Amal Latihan dan Amali OKU

NSI 9.7.2020 8

KOTA KINABALU: Prihatin terhadap bencana banjir yang melanda Pusat Amal Latihan dan Amali Orang Kurang Upaya (OKU) di Tuaran, Pasukan Latihan Pegawai Simpanan (PALAPES) Universiti Malaysia Sabah (UMS) turun padang bagi membantu membersihkan semula kawasan pusat latihan tersebut.

Menurut Ketua Jurulatih PALAPES UMS, Mejar Erika Fatra Roslita Rusli, "Program Jiwa Murni" yang dilaksanakan selama dua hari di pusat latihan tersebut bertujuan untuk membantu meringankan beban dalam kalangan golongan OKU yang terjejas akibat hujan lebat serta banjir baru-baru ini.


"Program ini juga menjadi platform untuk PALAPES UMS mengeratkan hubungan silaturrahim antara staf UMS, anggota tentera dan masyarakat amnya serta golongan OKU khususnya.

"Program ini turut mendapat sokongan penuh daripada Naib Canselor UMS, Prof. ChM. Datuk Dr. Taufiq Yap Yun Hin yang memuji penglibatan kakitangan dan pelajar universiti dalam aktiviti kemasyarakatan seumpama ini," katanya.

Ujar Mejar Erika, usaha sebegini membuktikan bahawa UMS bukan saja mampu

melahirkan siswa-siswi yang berprestij tetapi juga mampu memberi sumbangan khidmat bakti kepada masyarakat.

Dalam pada itu, orang awam adalah dialu-alukan untuk memberi sumbangan beras dan barang keperluan dapur bagi meringankan beban pusat latihan tersebut.



GAMBAR atas: Anggota PALAPES UMS membantu memindahkan perabot di Pusat Amal Latihan dan Amali OKU yang terjejas akibat banjir sementara agambar kiri Kakitangan dan pelajar UMS berganding bahu memindahkan perabot dan membersihkan kawasan pusat latihan.